

靈石縣志

卷九

人物 忠孝 善行
捐賑 列女

卷十

古蹟 名勝 寺觀
邱墓

靈石縣志卷之九

人物志

十室之邑必有忠信聖人嘗言之人材之興原不以地限也而維嶽降神生甫及申鍾毓之說亦聖人所不廢靈石雖蕞爾邑襟汾面霍山川萃英而又淳俗相承忠孝節廉後先輝映美乎哉地靈人傑蓋兼之矣惟隋以前未置縣人物皆列介休志中今莫能分晰祇介子祠於綿山爲此邦先賢無疑自宋迄明人材按籍可稽迨我

靈石縣志

卷之九

人物

一

朝深仁厚澤久道化成盡人涵詠於

休明之治者將二百年聲教所被恥不古若忠則服官盡職效命成仁孝則懃志承顏居廬負土閨閣凜冰霜之志閭閻高推解之風人賢蔚起較前代有加盛焉地爲之歎抑人爲之歎君子曰孕靈在地奮迹在人是在地生之而人又有以自奮也詳著於篇以爲民勸志人物

忠孝

周

介之推晉臣從文公出亡十九年既復國賞從亡者推不言祿祿亦不及推曰獻公之子九人惟君在矣惠懷無親外內弃之天未絕晉必將有主主晉祀者非君而誰天實開之二三子以爲己力不亦誣乎竊人之財猶謂之盜况貪天之功以爲己力乎下冒其罪上賞其奸上下相蒙難與處矣其母曰盍亦求之以死誰懟推曰尤而效之罪有甚焉且出怨言不食其祿母曰亦使知之若何對曰言身之文也身將隱焉用文之是求顯也其母曰能如此乎與汝偕隱遂隱

而死文公求之不得聞其隱於綿山遂環綿上之田封之曰以志吾過且旌善人後人思慕其義立廟於綿山之麓尸祀之宋元豐時禱雨靈應詔封爲潔惠侯祀鄉賢忠孝祠

宋

師 範元佑進士督岢嵐軍政兼平定岳陽有惠政軍民感慕復督理江南民苦賦役乃奏茶爲天地自然之利請稍增其稅既不病民亦不病國於是民之賦役少息江南人圖像祀之祀鄉賢祠

元

喬世綱至正二十三年登第後卽扞疾告歸有司累促之以親老需養不起祀鄉賢祠

明

李 威天順壬午領鄉薦初授陝西會寧尹寬仁明恕廉正有威政理訟平不畏強禦時有宦官貪縱上疏剪除虐焰頓息以治最調長安當省會繁劇素稱難治一以誠信行之興利除害吏畏民懷值天久旱竭誠禱祈大雨霑足人以爲德化所感兩邑各有去思

靈石縣志

卷之九 人物

三

碑祀鄉賢祠

裴 泰景泰丙子舉於鄉初知博野行政一本慈恕歲凶諭富民平糶全活者衆修城濬濠民樂趨事陞定州守值王師西征倉卒料理悉有條貫置旌善紀惡錄嚴緝盜賊弗格者悉擒捕之四方寧謐時大同缺邊餉部檄令定民京倉空運卽上議紫荆關直抵大京儲准本年秋糧之數免其徵納官民兩便當道躡其議前在博野請祀二程守中山改正韓魏公祠其

雅重文教類如此入祀定州名宦具詳韓忠定所撰墓誌中祀鄉賢祠

吳珉成化己丑進士性峭直痛父早逝事母鄭極盡孝道初官吏部歷主事員外郎中主銓選公慎自矢無敢干以私巡撫甘肅恩威並濟邊陲晏然轉南京都察院右副都御史益勵風裁寬嚴得體爲諸侍御倡得各盡所言憲綱爲之丕振自筮仕至都憲三十餘年清慎伉直始終不渝當時朝紳稱有清不過韓文直不過吳珉之語祀鄉賢忠孝祠

靈石縣志

卷之九

人物

四

裴紹芳宏治末知伏羌縣寬嚴得宜民謠曰縣令裴稟性直愷悌慈祥處處知之

裴繼芳泰子登正德進士授工部都水司主事管閘臨清時宦豎勢焰恣橫至臨清凌轢官吏繼芳盤驗其私船搜獲貨物入之官漕河肅清官民免害復除戶部管糧通州門無私謁運官宿弊一時剗革殆盡廉謹之聲著聞朝野尋以疾乞休優游林下十餘年擢脫勢利惟怡情於詩酒山水間卒之日囊無餘貲舊廬僅蔽風雨人皆仰之

王 寵性純篤曾吮疽事親不侈孝名學本程朱政同
卓魯由恩選初授大名府通判雍和有度訟理政平
歷轉廣西南寧府橫州知州雲南大理府同知起復
廣平同知轉南陽府知府遇闖賊百折不撓罵賊死
巡撫馬旌曰著節名臣祀鄉賢忠孝祠

宋之儁萬曆己酉舉於鄉天啓壬戌進士初授容城縣
知縣歷禮部主事員外郎中事使得體守正不阿崇
貞中轉登萊道海防監軍副使忤巡按謝三賓互訐
歸休林下甲申遇闖寇邑破不屈死妻喬氏罵賊撞

靈石縣志

卷之九

人物

五

階而死其女殮屍畢拔簪刺喉死一門忠烈詳載通
志祀鄉賢忠孝祠

王者佐萬曆己酉舉人授新樂縣知縣嚴明伉直不避
權勢及陞大興風裁益勵民有南陽包老之謠新樂
縣刻有實政詩詞於石

王之楨天啓甲子鄉薦崇貞戊辰進士授夏津知縣歷
工部主事兵部郎中轉霸州兵備道陞山永監軍道
所至有聲

王之度天啓丁卯舉於鄉闖賊逼仕死守不出其母牛

氏二十五歲孀居訓子以節義始終不渝當闖寇兵劫之際猶戒子曰毋辱身負國及

國初授鄖陽府通判有惠政乞歸終養而卒巡按旌曰母貞子烈撫院旌曰介節垂芳祀忠孝祠

王之棟武舉之楨弟也爲都司因救兄死於難事實不詳

梁之孟武進士平型關守備拒賊陣亡

任守清劉佩賀九思俱居冷泉關嘉靖庚寅盜起居民逃竄三人倡義率衆捍賊力不支被執並奮罵不屈

靈石縣志

卷之九

人物

六

死事定數日收其屍同葬一區顏色如生巡撫張巡按趙兵憲王共遣官致祭仍樹忠義士坊於墓前同祀忠義祠劉又祀鄉賢祠

劉憲邑生員天性朴實孝行純篤父早見背母年八十餘雙目失明正德辛未流寇破城居民逃竄憲獨負母西涉汾河避難賊欲殺母嚇財憲曰貧生何財之有寧殺我毋害我母賊不聽刺其母憲以身捍救不支遂俱被害賊縱火焚在城官民廬舍憲宅巋然獨存人皆異之巡按杜李相繼奏聞賜金助葬仍命

立石旌孝祀鄉賢忠孝祠

李 曉事親篤孝母病危醫藥不效剖左臂肉熟進之病尋愈旣而父病更篤復剖右臂肉以進父亦得無恙成化間有司上其事祀忠孝祠

閻思義性篤孝甫二歲喪父其母楊氏守志撫育成人痛父早亡事母極孝侍疾不離左右湯藥必親嘗母病久不痊乃剖左股肉煎湯進之頓愈及母卒廬墓三年寒暑無間鄉人嘆服知縣稍騰漢申請旌表祀忠孝祠

靈石縣志

卷之九

人物

七

張 寶歲貢生幼有至性痛父早亡事孀母房氏極盡心力家貧嘗貸米鄰家以供母自甘粗糲會母疾藥石弗效剖股爲羹以進母疾尋愈官鳳翔訓導蘭州學正迎母祿養備盡孝道後卒於官旅櫬蕭然幾不能歸里人痛惜之知縣李微匾其門曰母貞子孝祀鄉賢忠孝祠

曹自強邑廩生行已克端事親盡孝丁母憂廬墓三年悲哀如一日知縣何錦給匾旌之以毀卒祀忠孝祠關朝臣自幼以孝聞母疾躬嘗湯藥剖左臂肉煮羹以

進母尋愈父任青州倉副使未任而卒朝臣晝扶柩行夜倚柩泣歸家以禮終葬鄉人稱之祀忠孝祠

張 諤縣學生與弟詔誥皆以孝友稱事父母備盡誠敬雖小疾必籲天願以身代父廷芳左股病癰醫鍼之血漬命垂頃刻兄弟相繼吮咂父瘡頓愈迨親卒泣血茹素三年如一日嘉靖壬寅遇邊警兄弟相携渡汾避難河無舟惟一木函諤趣弟詔誥先渡甫畢賊已逼近諤投入河中流湍急忽遇淺灘得不死人以爲友誼所感知縣吳府上其事旌之同祀忠孝祠

靈石縣志

卷之九

人物

八

王立賢天性純謹以孝友聞生母趙早亡事繼母董如所生母病嘗藥父病禱以身代及父歿昏絕數次尋築廬墓側旦夕焚香泣血歷三年如一日後以哀痛成疾卒於廬次知縣馬推官王皆給匾旌之知府匾其門曰西河孝子祀忠孝祠

翟公佑省祭官與弟公忠友愛深篤嘉靖壬寅寇至兄弟倉卒不及備猝與寇遇佑趣弟急走願自當其患忠曰兄在請與共死遂俱被執兄弟爭代死賊不聽皆殺之有司申其事提學廖移檄旌之有手足恩重

患難不離處變不渝天倫壯節有裨風化等語仍樹坊於其門同祀忠孝祠

王 煌之楨子崇貞年廩生博涉經史時學使目爲千里駒遭闖賊之難聞父與叔皆被害投樓死

張 達鄉貢士仕直隸望都縣知縣有善政曾開荒地千餘畝民食其惠旣去邑爲立生祠繼任宛平鋤奸安善直聲著聞

國朝

韓 進初仕開歸鎮遊擊智勇過人所向無敵陞老營

靈石縣志

卷之九

人物

九

所叅將復任陝西甘肅鎮番叅將終廣東雷州協副將

劉 強事父以孝聞家貧甚父病剪髮覓藥割股救親知縣楊給匾旌之曰庸行超羣祀忠孝祠

何思祥與子起蛟騰蛟皆驍勇姜逆之亂山賊亟誘入黨堅拒不從尋爲賊擒罵賊不絕口賊磔之

張星燦與弟星燦事親俱以孝稱母甘茹素燦燦亦斷絕葷酒母歿三年始食肉兄弟同爨終其身

王湛初性純孝事繼母曲盡孝養家貧歲歉甘旨不缺

於供母卒哀毀骨立其弟經營北直負債鬻身湛初
尋得其處賣子贖之富翁亦為感動不取一錢云祀
忠孝祠

曹爾仁父早喪母久病床榻仁朝夕奉侍無少懈母歿
廬墓三年撫幼弟解衣推食值歲凶與其弟爾信爾
禮蠲賑並開曹家嶺河鄉人表之曰一門三義

牛希顏與弟宗顏俱庠生三世同居始終無間言同祀
忠孝祠

王于庭監生撫姪寅德崇德無異己子

靈石縣志

卷之九

人物

十

何道深乾隆庚辰武進士授侍衛升貴州提標右營遊
擊三十三年隨公將軍明征緬甸由二龍山取木邦
抵錫箔渡天生橋攻蠻結賊死守身冒矢石攀柵拔
城公將軍叅贊紀軍功第一奉令撤兵時與李總兵
殿護大兵至邪猱遇賊力戰火鎗中額嗣隨公將軍
進攻猛域被困為十二營前鋒自平明戰至日中身
被重創陣亡事聞奉

旨贈加一級遣官致祭入祀昭忠祠

恩賞卹銀四百兩葬銀三百兩廕一子膺綬守備世襲恩騎

尉祀忠孝祠

王 璽性孝友少失恃父三娶繼妻皆委曲承順父歿率二弟事繼母亦無少懈兄弟同爨數十載門庭藹然

曹魁英監生幼孤事母如嚴父有教訓輒跪聽侍母病親嘗湯藥及母歿哀毀盡禮苦次三年不入私室事叔如父叔無嗣以子繼之孝義無忝祀忠孝祠

王風美吏員家貧負薪米孝養父母父歿三日不飲食事繼母如所生兄子死他鄉遠涉扶柩歸安葬鄉黨

靈石縣志

卷之九

人物

十一

稱其義祀孝義祠

王夢鵬號六翮優生性仁孝幼以昭穆序出繼胞叔色養備至會父染疫症奉祀湯藥不離左右禱神願以身代時村中歿於疫者頗多惟其父獲愈合家無恙咸以爲誠孝所感母翟氏歿哀毀骨立旣而父歿乃築廬墓旁朝夕哭泣人共稱爲王孝子設義學建義塚修橋梁歲歉出金賑濟合村賴以保聚乾隆四十五年詳准入祀孝義祠以嗣子中極貴贈中憲大夫楊士藩貢生幼有至性嬉戲時卽定省其親無異成人

聞父在天津抱病生跋涉趨至延醫嘗藥奉侍備至
父卒昏絕數次水漿不入口扶柩歸葬曲盡禮制有
地數畝見村中有停柩不能葬者慨然舍之以爲義
塚鄉人感之乾隆間入祀孝義祠

程 範監生子年次子出繼胞伯子莊父早歿家貧生
力田奉養孀母曲盡誠敬里紳王高其行念其苦也
出貲勸其服賈生以待母辭竟資之以就近養親及
母以壽卒終喪成禮哀毀骨立其事本生父母始終
如一待兄姪皆有恩鄉黨深仰其孝比其卒也額其
之報云

靈石縣志

卷之九

人物

十三

門曰孝友可風其子孫世守家法皆能自立至曾孫
體常登癸丑科進士官至禮部郎中人咸以爲孝行
王如玉號嵐溪幼嗣季父丹崖性穎悟喜吟詠著有嵐
溪詩鈔由貢生以道員注籍官貴州貴西道兼署臬
篆讞獄平允尋以親老乞歸養起復發四川委用適
金川逆酋作亂大憲以如玉才揀發從征軍分三路
會降番內叛官寨被陷南北軍堅壘守禦勢不能分
援賊衆紛至如玉度不能支拔劍躍馬連殺數人遂

歿於陣事聞奉

旨贈太僕寺卿入祀昭忠祠

賜祭葬

恩賞卹銀三百五十兩葬銀二百兩廕一子榮榮由陝西山

陽縣知縣歷任至甘肅寧夏道世襲恩騎尉祀忠孝祠

梁持瑜少孤事母朝夕不離側母病親侍湯藥衣被汚垢必親自浣濯迨母歿哀毀骨立三年未嘗見齒生平多藝工詩

靈石縣志

卷之九

人物

十三

薛 宣家貧有孝行父存朝出繼堂叔存枝爲嗣奉侍唯謹父歿盡禮盡哀傭工事母能先意承志母疾朝夕左右不離及母歿哭泣之聲感動閭里聞者莫不下淚

劉 敬性孝友親歿設主三年不離側又善事繼母事兄如父曾以千金分其姊以美宅讓其兄與弟皆人所難能者尤好讀書立義學以訓育後進其子清選亦克繼父志上憲聞之賜匾曰孝友可風

曹 奎性淳篤會父病噎膈醫云得親人肉可療乃自

割左股託辭進之親病獲痊後奎卒張孝廉爲作墓表稱其三大節而以此事爲首

祁孔有少失怙恃事繼母燕氏至孝初業儒以母多病乃棄儒習醫親調湯藥數十年無倦容後燕氏以壽終皆孔有調治力也又曲體母意贍諸姪孫尤人所難能者

古者教成於上化行於下故自通都大邑極至荒陬僻壤之遙往往比戶可封士敦倫紀載觀往鑑史不絕書况際

靈石縣志

卷之九

人物

十四

聖朝澄叙官方覃敷

孝治一時激勵奮發邇之致敬養於門內遠之効勲績於大廷何其盛歟蓋忠孝之理一而二二而一者也經曰移孝作忠傳曰孝者所以事君故求忠臣於孝子之門古則志之合紀忠孝此物此志也

善行

明

田時雨歲貢生授榆次訓導陞永壽教諭未任而歸安貧樂道敦睦親族訓子有方鄉人稱之

閻思學好施予樂義急公萬厯間歲饑斗米三錢輸穀五百石賑荒建坊旌門逾年大旱禱雨術士索銀三百兩急如數付之術士曰世有此人雨將至矣語畢術士倏不見遂一雨三日邑令趙贈聯於門曰賑民願出粟一點仁心關萬命禱雨樂施金滿腔德意動

靈石縣志

卷之九

善行

一

九天邑令楊贊云於惟雙公世不常生救荒出粟禱雨施金聲聞兩院名徹九閭煌煌制誥赫赫馳封誠哉君子允矣賢人祥麟瑞鳳王國之楨舊祀孝義祠梁 杞家業頗殷好義急公萬厯間邑大饑僅留終歲之用罄囊賑濟兩院給賜義官舊祀孝義祠

梁儀鳳字應詔居夏門業農起家慷慨好義勤儉自奉常以所積濟人之急萬厯三十八年邑大饑僅留終歲之用其餘盡輸賑救一時負戴其門者如趨市周月乃已當事咸義之特聞於上旌爲義官給冠帶如

制是時巡撫魏巡按劉同旌曰尚義邑侯馬旌曰德繼三槐學師梁旌曰惇義彈冠舊祀孝義祠

梁維屏邑生員當明季寇警集衆捍衛獨出已貲築堡於北嶺上寇不爲害又夏門村多石田常苦旱災維屏慨出百金鑿石穿渠引汾水以灌田其弟國楨天篤各捐金供給工資閱四旬告竣計溉田二百餘畝並稟縣勒石平陽府志所謂夏門石渠是也

張得功舉里正辦公廉能闔里贈匾曰里服公勤

國朝

靈石縣志

卷之九

善行

二

張元甲博學好古不事舉業凡小學近思錄經書史鑑性理諸編無不窮究根柢身體力行室如懸罄恬然樂之親喪恰遵禮制三年不入私室

趙克類歲貢生恬靜好學不事奔競孝友睦族撫姪若子時號爲靄靄君子

楊起麟舉鄉耆天性仁恕慷慨有大節敦本力田分餘濟困嘗讀陳君輔義田記便以古人自期許曾割田分金以資從弟姪等撫養成名置義田若干畝以贍族人又出金取息以資族中老穉貧乏婚葬諸費擇

族中賢明者掌之母族何氏亦爲捐金營息及里中徭役縣中遞應官車各有裁制約費千緡知縣狄旌曰巖谷德叟孟旌曰尚義功高徐旌曰德重鄉評舊祀孝義祠

閩西來本姓劉名旺子閩民載之義男也民載夫婦相繼病死有子二人長五歲次三歲舅氏姑母各携其一以去旺子向姑舅家哭請其孤不得枕門長號三日負之而歸躬自賣炭以贍二孤衣食比壯爲成家室

靈石縣志

卷之九

善行

三

梁天成庠生好周急出貲代族人納差糧者幾二十年兄天錫天藝亦有義聲

王斗星生員大紀孫也少事詩書能識大義尊信聖道惡絕淫祠元至元二年鄉民南塘等會建文廟於里中屢壞屢修皆積鄉村之財力爲之歷明季至今傾圮益甚斗星遂以修復爲己任捐金獨力重修廟制爲之一新縣官侯旌曰義舉可嘉訓導孫旌曰功在

尼山

王興旺舉鄉耆性仁恕好義樂施康熙八年本戶輪當

見年民力貧苦不能支與旺輸金爲應役者代耕之資又捐金重修后土祠繼其祖創建之志縣官匾其門曰尚義舊祀孝義祠

王寅德監生村西堡塌毀捐金修築爲衆人倡

王佐才生員柏溝村建立義學置立學田二十畝爲薪水資靜昇村東溝時遭暴雨斷絕往來出資修爲通濟橋

曹潤白與弟滋白輸金置義田闔族沾惠

吳業增生受任姓之托撫育其孤毀張氏之券保全

靈石縣志

卷之九 善行

四

其節

裴承晉施金爲本族徭役之費

李節崇王大顏鄉民也慷慨急公素有義氣仁義驛舊例汾西岳陽浮山三縣應馬明季寢廢遺累本縣二人力請於當事得復舊規闔縣德之舊祀孝義祠

王麟趾邑庠生康熙六十年學宮圯於水獨力修葺又靜昇村南田千畝無渠灌溉捐貲置地二十畝蓄水通渠至今闔鄉同享水利

吳立業康熙年間饑饉薦臻出粟捐金全活甚衆邑人

共立戴德碑在坡底鎮道旁碑文尚存邑廩生王涵
初撰

王生炯端方仁厚濟困扶危每出資代營族里間婚葬
歲歉賑饑凡數次里人共爲刊石且修橋梁道路雖
霍介隣境不惜捐資以成其事年七十生子如琨官
糧馬通判九十抱孫臣敬官長蘆運同咸以爲陰德
之報

梁曰標康熙庚子歲饑出粟賑濟西鄉十數村又分籽
種鄉人公製屏以旌之

靈石縣志

卷之九

善行

五

陳子壯世居蒜峪以村西人煙稀少建茶亭以便行人
知縣王額曰福田多潤復捐三百金每歲生息以爲
戶中公費歲歉出粟賑濟隆冬施棉衣貧而病者贈
以藥餌歿不能斂者施以棺木後其季子葆光爲登
州府知府贈如其官

梁 樞字斗文居鄉端謹任繁峙縣教諭訓士有方捐
俸倡修 文廟增置祭器樂器重刻司馬文正公稽
古錄行世所著有瘦吟草詩二卷秘枕編文一卷

梁 謙居夏門於康熙庚子歲饑出貲三百金賑貧每

冬施棉衣復在秦王嶺建茶亭一所以便往來憩息
郝宏智於河洲之東捐貲千金建廟一所外建茶亭以
濟行人又置義田二十畝爲香火茶水之資厥後其
子善嗣孫汝昌相繼修葺並立碑記

閻子睿字作聖見義必爲凡鄉中建廟修橋身爲衆倡
性狷介其岳父曾以千金贈堅辭不受又曾畜一驢
售與村人至晚忽斃村人來告卽以原價給還皆人
所難能者鄉里爲勒路碑以記之

張翔梧庠生性長厚雍正間設立家塾受業其門者成

靈石縣志

卷之九

善行

六

就五十餘人公送匾曰品重鄉評

吳芳齡號敬一念本戶中貧苦於雍正壬子捐金一百
兩生息半爲餘貲半爲公費今永爲戶中資用公立
永思碑以誌之

張由義典地修祠出粟濟困人有負欠無力還者取券
焚之又捐貲修闔戶墳塋

張集義整理村規提携親戚設立義學凡窮約之家皆
得來學至讓產守窮尤能爲人所難者

吳人鳳廩貢生學邃養醇平生以許魯齋爲宗教授門

徒多所成就士林雅重之爲製匾曰望重鄉閭

房國光居臨汾水造舟梁以濟往來捐貲粟以周貧乏
又友愛幼弟終身不分爨片紙不入公門爲鄉里所
稱

梁元杰字亦仁事兄如父待姪如子嘗侍兄病尤竭心
力臨卒將衆人負欠千數百金取券焚之

張佩幼失怙事孀母以家貧貿易直隸聞母失明棄
商歸養後家頗裕建橋修路輸金賑貧又設義塚二
所以待村中之貧而無葬地者

靈石縣志

卷之九

善行

七

張獻萬性樸厚乾隆年間倡修縣南軟橋人不病涉橋
西十餘里石路巉巖行者股栗獻萬毅然捐貲獨力
修整至今道路坦平知縣虞奕綬爲文以紀其事見
藝文志中

梁煥居夏門設渡船於古峪後子二灘費三百餘金
後又易舟爲梁秋成夏毀行人稱便至今尚存鄉人
爲立濟涉碑

梁彩山乾隆己卯歲饑捐賑五百金己亥己酉復賑如
初又分給籽種於姚家山夏門村西設義塚一處又

捐百金置小甲以免更代之苦

張攀月官祁縣教諭少孤力學會輯先人學行見聞錄每展讀輒爲流涕自奉淡泊事諸兄甚謹每年以俸之半分贍諸兄在祁任獎訓士子增修學宮祁人至今頌之

王中立出貲三百金交戶中生息爲族中士子鄉會試之費以鼓勵士氣

王中行性淳質乾隆四十八年捐修文昌閣五十二年修學宮修會文館彩畫魁星閣及卒闔學誅之

靈石縣志

卷之九

善行

八

王立極曾於本村之西獨建橋梁以濟往來闔村贈匾曰修橋濟衆後其子孫屢次修築嘉慶三年其仍孫久成又慨出二百六十餘金修爲石墩遂成坦途

王奮志因父麟趾置馬頭渠水地二十畝修池築堤引水澆村南田地千畝乾隆四年奮志復置地三畝地內出產爲池地納糧之用又捐資建石橋一孔以便行人曾孫瑤相繼補葺克承先志

房福淵性友愛兄弟讓產曾出貲以資族中貧戶又出貲四百金以補里倉至于修廟修路扶危周急不一

而足鄉黨重之

陳思賢號秀邨子壯子也性友愛撫弟姪成立尤樂義舉上村至馬和村計二十里許山徑欹仄創議率弟姪各捐貲助修遂成坦途每歲歉出粟按丁給予待舉火者二十一村至建祠修橋凡宗族媮黨之間咸被實惠焉

陳葆光少孤力學志氣廓然援例選授登州府知府以興學課農爲務斷結大獄時論重之歷臨江甘州蘭州府陞湖南鹽法長寶道所至有聲尤善事兄嫂待

親朋情意周浹工詩不事雕飾著有芝田吟稿十卷張元升家貧業儒念村中地千餘畝無由灌溉遂以開渠爲己任渠成水利大興闔村德之送匾曰德廕同社其子銘又復修補見村中因爭道涉訟復割己地以息訟端知州給匾曰德鄰義路

曹懷義字樸園少孤事繼母克盡孝養平生勇于爲善凡戚里中生無以自給死無以爲殮及不能嫁娶者必量力周之尤樂排解里有口舌興訟者得其一言無不斂手退其公正足以服人如此子三季誦清爲

直隸廣昌縣令孫文梓文棟皆成名

張純仁字希范幼好學品行端方食餼後家居授徒以躬行實踐爲教故人其門者皆恂恂有規矩其父慎齋嘗督修后土祠不憚勞瘁乾隆三十八年鄉人爲立父子德教碑以誌美焉

張說幼失怙恃撫二弟恩意肫摯尤好義舉捐修石橋二座以通糧道又倡建文昌閣以補邑東南風氣立有碑記

梁淑字元翁性樸厚事父母無倦容胞弟幼喪明保持備至篤於族黨多所施予人有忿爭者欲質之輒望廬而返人以盛德稱之

張炯性淳質早喪父母有五服內伯母孀母二人家貧無後炯皆母事之閱數十年並送其終焉村人送匾曰孝異可嘉

梁樂善字同人事父恪遵庭訓父歿居喪盡禮兄老年喪子與弟好善謹事之尤好讀書見子弟有造者鬻產以助之居鄉排難解紛長厚之聲溢於閭里

申國佐號靜軒性純篤父有風疾嘗受杖不敢避友兄

弟敦族誼家寒以教讀餬口誘掖後進賴其培植者數十人後以恩貢終

梁景鸞援例中書推陞桂林府同知明察善斷時徭人有倡亂者諭以禍福止誅爲首數人合郡賴安後以親老歸養建橋修祠周急息訟多所利賴鄉族表其門曰六行克敦

梁繪章字子雲少失恃事庶母張如生母尤樂施予乙丑歲饑倡諸姪出貲賑濟費千金者二次至於開渠修道建宗祠鄉人賢之工詩著有慵岩集子中輿癸

靈石縣志

卷之九

善行

十一

西舉於鄉

曹珩字楚石嘗念戶中貧苦慨出百金取息以紓其力乾隆年間汾漲決堤首倡修築以捍城垣至於修廟建橋平道路及族黨中之貧不能舉火者無不量爲施與

趙晉臣性純篤慮族中貧戶慨出百金復勸其伯父趙健出二百金施在戶中每年餘息以應丁役闔族賴之爲勒石以紀其德

趙晉裔於乾隆年間遭歲歉慨出二百金買米濟貧全

活甚衆其子永言又繼父志修築安濟橋行人便之
楊 涵官工部員外郎以汾水逼近村庄數遭水患於
乾隆四十一年與其弟溪出貲四百金築堰一百數
十丈村中地畝不至受害又捐貲修西鄉山路以便
行旅念戶中貧苦捐貲五百金以紓其力

裴 褒侍父病父歿善事繼母躬持家務令諸弟讀書
和睦鄉里乾隆己酉歲饑慨出貲賑給貧戶倡修永
濟橋以繼先志至闔里有忿爭事每藉排解人咸以
正直稱之

靈石縣志

卷之九

善行

十一

張鴻猷性淳篤好讀書手不釋卷父早歿事母左右服
勤撫孤姪教誨靡倦又睦鄉族分餘濟困設義塾躬
自教讀不計束修故村中多所成就云

王輿來念村中小河橋爲耕種要道年久傾圮行人苦
之遺命其子廸彝捐二百金改修之

梁繪星號毅齋居夏門世多隱德父母歿事繼母閤惟
謹撫諸弟姪成立性明決好義舉人有急難不惜財
力以濟之嘗手錄前言往行刻于壁以警子孫子中
靖中孚皆登巍科人以爲貽穀之效云

梁中簡性孝友父歿嘔血水漿不入口者累日撫二弟
愛護肫摯又喜施予族黨有婚葬事無力者必周助
之人有急難往返奔救或遇歲歉捐貲分賑及卒閭
里表其門曰天真渾璞

程體常品學端正少孤事母至孝與其兄履常友愛甚
篤時有難兄難弟之稱乾隆癸丑成進士授禮部主
事轉本部郎中以母老歸養家居恬然以敦實行獎
勵後進爲務學者奉爲儒宗

陳德溥字滙川乾隆庚子舉人援例選授廣東肇羅道

靈石縣志

卷之九

善行

十三

正己率屬積弊肅清後調甘肅鞏秦階道以鞏屬失
察被議因念母老遂歸養不出家居念里中貧乏周
恤亦非長策於是做義田法出貲生息以備無力婚
葬者復捐貲建義學二所

張 玫廩貢生兄弟三人兄歿遺嫂與姪養贍其家代
還積欠又撫弟成立設家塾訓誨子姪有來學者不
受束修如是者十餘年以壽終

房 安北易里六甲人先世施藥療病安繼世奉行至
老不倦臨終遺命子廷桂出粟濟貧賴以舉火者六

十餘家縣令陶給孝友任恤匾旌之

王來詔邑庠生侍親病斯夕無倦容善事繼母人無間言尤好施予嘉慶十一年歲饑賑濟梁家庄粟盡又出百金糴米分給至夏麥熟方止鄉人德之

吳體觀字文山幼勤學善論文友愛兄弟訓督子姪亶亶不倦里有喪葬常典衣資助及晚年家益落有勸之者曰吾豈以貧改行哉及卒親族送匾曰風近友于又曰剛方渾厚

王中極號約軒六翮季子先是六翮設義學立義塚治

靈石縣志

卷之九

善行

十四

橋梁焚券寬逋施金賑乏約軒克承父志復捐金添建義學房屋二十三間延師以訓無力子弟原義塚六畝再買六畝以廣之村東舊有石橋力爲重修至於修澗水橋平後悔溝百餘里之路至今遂成坦途積善之家必有餘慶積不善之家必有餘殃易不云乎維書亦曰作善降之百祥作不善降之百殃嘗讀書易至此未嘗不嘆善不善之繫于人如此其重也夫聖人振勵末俗故極言報應之理而危言以悚之君子盡其在我自當守職分之常而奮

勉以行之要之天有顯道感應昭彰嘗見鄉黨自
好者善溢家庭望重閭里往往近則顯其身名遠
則蔭貽孫子反是則有不堪問者由此觀之殃祥
生于自作禍福判於所積自然之理也紀善行如
左邑人士尚其相觀而善哉

捐賑

明

劉英

正統六年輸穀一千五百石奉旨建坊旌表

蔡友福

景泰癸酉助邊穀一千石授七品散官

張芝

嘉靖間納銀一百兩授七品散官

國朝

康熙年

梁日標

捐米一百石

梁謙

捐銀三百兩

鄭永禧

捐穀三百石

田進興

捐銀二百兩

靈石縣志

卷之九

捐賑

一

方來

捐銀一千兩

王喜

捐銀一百四十兩

乾隆年

王如璣

捐銀一百兩

陳思賢

捐銀一百兩

趙晉臣

捐銀一百兩

趙晉裔

捐銀二百兩

趙健

捐銀二百兩

田育行

捐銀三百兩

梁可珍

捐銀三百兩

耿光煥

捐銀一百二十兩

韓雲錦

捐銀一百四十兩

吳思義

捐銀三百六十兩

何廷璋

捐銀二百五十兩

田文

捐銀一百五十兩

裴褒

捐銀一百六十兩

嚴維篤

捐穀八十石

方寧一 捐穀一百石

田之恭 捐銀三百兩

雷澤周 捐銀四百兩又捐米六十石

翟雲錦 捐銀一百兩

翟登青 捐銀三百兩

梁淑 捐銀一百五十兩

梁炯 捐銀一百兩

梁模 捐銀一百兩

梁樞 捐銀一百八十兩

梁稅 捐銀一百七十兩

梁宅魏 捐銀一百五十兩

梁宏魏 捐銀一百五十兩

梁理魏 捐銀一百兩

梁繪錦 捐銀一百五十兩

梁彩山 三次捐銀一千五百兩

梁仰鸞 三次捐銀一千五百兩

梁自任 捐銀一百兩

梁積善 捐銀一百兩

靈石縣志

卷之九

捐賑

二

梁元燾 捐銀一百兩

梁元熒 捐銀一百兩

梁嵩山 捐銀一百兩又捐銀一百兩助義倉

梁學洙 捐銀一百兩

梁繪章 三次捐銀三百五十兩

祁廷用 捐銀三百兩

梁中杰 捐銀二百五十兩

王中堂 捐銀一千兩

王世泰 捐銀三百兩

王生炯 捐銀四百兩

祁霖雨 三次捐銀三百兩

王中輝 捐銀四百兩

祁霖克 三次捐銀四百二十兩

王中行 捐銀二百五十兩

王汝梅 捐銀二百五十兩

王汝為 二次捐銀五百五十兩

王如琨 二次捐銀四百五十兩

王中極 二次捐銀二百四十兩

楊溪 二次捐銀七百兩又捐設義學銀三百兩

王炳文 二次捐銀二百五十兩又捐修橋銀三百兩

王世光 捐穀三十六石

王中立 捐銀二百五十兩

王廣雅 捐銀一百五十兩

王文山 二次捐銀二百兩

王德著 捐銀一百兩

何清 捐銀一百兩

郭志達 捐穀三十石

靈石縣志 卷之九 捐賑

嘉慶年

梁之溫 捐銀一百一十兩

李旭輝 捐銀一百兩

翟廷檜 捐銀一百兩

雷倬雲 捐銀四百三十兩

雷豐 捐銀三百四十兩

田霄 捐銀一百兩

王師顥 捐銀一百八十兩

房廷桂 捐銀二百八十兩

王錫穀 二次捐銀五百兩

張作肅 捐銀一百兩

楊安國 捐銀一百三十兩

嚴惟煥 捐穀六十石又捐銀一百兩

閻偉彥 捐穀六十石

房龍章 捐銀二百六十兩

陳愛 捐銀一百二十兩

梁倬 二次捐銀四百三十兩

溫而毅 捐米四十石

田登 捐銀二百三十兩

吳克明 捐銀一百兩

耿養善 捐銀四百兩

雷舒 捐銀四百三十兩

劉克寧 捐銀二百二十一兩

何巨楫 捐銀一百三十兩

劉學書 捐銀二百二十兩

陳應昌 捐銀二百三十兩

嚴在中 捐銀三百兩

裴來章 捐銀一百四十兩

梁錦雲 捐銀二百兩又捐米八十石

梁登雲 捐銀一百二十兩

王世輔 捐銀四百兩

梁作成 捐銀一百二十兩

燕君重 捐銀二百兩

方揆一 捐銀三百兩

王來詔 捐粟三十石又捐銀一百兩

溫周禮 捐銀一百四十兩

梁 堯 捐銀二百兩

馮 氏 梁元巽妻捐銀一千七百兩

梁中和 捐銀一百三十兩

梁 培 捐銀一百兩

梁中直 捐銀一百二十兩

梁椿齡 捐銀二百五十兩

梁中慤 捐銀二百五十兩

梁中靖 捐銀二百五十兩

靈石縣志

卷之九

捐賑

四

梁象震 捐銀二百五十兩

梁中典 捐銀二百五十兩

王汝聰 捐銀三百兩又捐銀四千五百兩生息贍族

梁象瑚 捐銀二百五十兩

耿 瑚 捐銀一百二十八兩

薛文基 捐銀二百兩

韓製錦 捐銀一百四十兩

韓慶晏 捐銀一百四十兩

韓學昌 捐銀一百八十兩

房步蟾 捐銀二百七十兩

王汝明 捐銀一百五十兩

陳德溥 捐銀四百二十兩

吳 浩 捐銀三百兩

陳德潤 捐銀四百二十兩

閻生成 捐穀四十石

吳宏泰 捐銀二百兩

陳德豐 捐銀四百三十兩

趙守懿 捐銀一百五十兩

翟鳳翽 捐銀四百兩

王綬來 捐銀三百兩

溫氏 王慶來妻 捐銀二百兩

查臨淵 捐銀一百九十兩

溫如玉 捐銀一百六十兩 又 捐修橋銀五百兩

王徽彝 捐銀一百五十兩

尹述禹 捐銀二百兩

張之威 捐銀二百兩

董文會 捐銀二百兩

任金綬 捐粟三十石

尹大任 捐銀二百兩

張洪範 捐銀一百兩

歲不能無豐歉人不能無貧富使耰鋤箕帚之習興而救災卹鄰之誼廢則木饑偶值富者坐擁金粟貧者委命溝渠矣此睦婣任卹所以與孝弟並稱至行

靈石縣志

卷之九

捐賑

五

也我

國家

列聖相承痾瘵在抱一隅告饑賑貸兼施而都人士休養

盛世濡染仁風不惜傾困解囊以周其鄰里鄉黨不誠義舉也哉志善行後臚列其姓名於右後之人觀之樂善之心知有油然興起者已

列女

周

介母 子之推晉侯賞從亡者介之推不言祿祿亦弗及推將隱其母曰能如是乎與汝偕隱遂隱而死

明

李氏 周士輝妻年二十五夫亡無子守志四十餘年天順間旌表

王氏 韓明倫妻 明季旌表事跡無考

鄭氏 吳海妻年二十三海業商覆舟溺水死氏奉養舅姑甚謹課子珉業儒紡績佐讀至宵分不輟日吾

勤以相吾子令忘怠也孀居三十五載成化間旌表後珉舉進士官副都御史氏封太安人

冷泉四烈曹氏 張熙 段氏 尚公 白氏 張桓 崔氏 周瑞麟 妻俱家

靈石縣志

卷之九

列女

一

冷泉鎮正德辛未流寇剽掠四婦相携避山峪中途賊羅執之四氏同聲詈罵賊怒殺之又同時有段氏者亦以不屈投井死有司以聞並賜坊表

崔烈女 父名拱居冷泉年十五寇亂父母携避北山洞中賊搜獲欲汙之不屈投崖死

喬氏 兵備道宋之儁妻甲申之儁罵賊被殺氏觸階死其女殮屍畢拔簪刺頸死

周氏 生員吳徽妻都御史吳珉子婦也年十六夫亡孀居五十餘年志行潔白嘉靖間旌表

馮氏 廩生王煌妻氏年二十四夫殉父叔難死無出姑哀痛欲死氏抱泣曰婦所以不死者以姑在也如

姑死婦亦死矣然皆死則宗祧將誰寄乎姑為收淚遂命撫堂姪席璘為嗣廼上事衰姑下教嗣子境困

姑老色養備至迨嗣子食餼而姑死矣氏痛泣幾絕喪葬盡禮歲時適墓而哭路人為之泣下後康熙年

間邑侯任給扁曰節孝名媛

牛氏 舉人王之度母年二十五夫亡守節課子舉孝廉
逆闖逼之仕母戒之曰毋辱親負國度奉教不出
國朝授鄭陽判
告歸終養

馮氏 年十八適郭廷相之子甫一歲夫亡廷相受財強
令改適氏潛至夫塚縊死樹上
翟氏 生員王新命妻年二十夫亡翁姑令別嫁氏仰毒
死奏聞旌表

李氏 張朝明妻朝明被賊執火炙其身氏取衣拂火賊
麾去氏奮不顧身直前撲滅賊怒殺之
房氏 張公明妻年十九夫亡遺孤寶甫週歲家道伶仃
躬親紡績事姑克盡孝道教子寶仕至學正壽八
十七
歲卒

耿氏 房學妻學亡氏年十九歲遺孤友佩甫八月有惡
姪逼使再嫁氏誓死不變撫子成立守節六十餘
年邑令
旌之

靈石縣志

卷之九

列女

二

梁氏 吳邦妻年十八夫亡生遺腹子家道甚貧父母欲
令再適氏矢志不移後子亦亡而志節終無少變

院憲
旌之

李氏 吳浩妻浩亡氏年二十九撫育幼子誓死不二守
節五十餘年清苦堅貞如一日享年八十卒

房氏 張朝宗妻年二十七夫亡遺孤二長賢方五歲次
德甫二歲家甚貧乏氏自勤紡績教育二子俱為
縣學生年逾八旬清苦
如一日鄉人服之

段氏 田興勝妻年二十一夫亡生遺腹子氏飲冰茹蘗
撫育成人守節六十二載卒

吳氏 生員張詒妻詒早卒遺子中立等氏堅持志節訓
勉諸子各底成立孀居三十年學道給扁旌之

曹氏 閻智臣妻臣蚤亡氏茹蘗砥操迄卒無玷子春妻
吳氏亦青年守節皓首不渝撫子國脉為府學生

田氏 閻仲妻年十七夫亡遺子國祚甫四月氏事姑撫
子各盡其道後子甫十九歲而卒仍撫遺腹孫還

醇成立歷五十餘年毫無
瑕議都院白給扁旌之

王氏 趙庭用妻年十九夫亡生遺腹子鳳桐撫育成立
苦節六十三載卒

吳氏 王伸妻年二十五夫亡孝母訓子早入黌宮按院
徐錫扁旌之

李氏 劉周南妻夫亡孀居四十年無議按院涂旌之

武氏 燕遊春妻年二十夫亡甘貧守志撫子孝姑按院
旌之

梁氏 廩生王純政妻夫亡甘貧守志歷三十年秋毫無
玷邑令袁旌之

趙氏 王希舜妻年二十一夫亡能甘貧苦孝事舅姑終
無變志邑令袁旌之

曹氏 張種妻年二十五夫亡痛藁砧之早逝矢節操之
終持紡績育孤伶仃弔影歷五十餘年毫無玷議

知縣路一麟
給扁旌之

靈石縣志

卷之九

列女

三

任氏 楊春先妻青年守節誓死不渝躬紡織而萱闈承
歡忍飢餓而空閨弔影歷五十餘年秋毫無議撫

子大壯身入縣學按
院康喬皆給扁旌之

王氏 程士鵬妻年二十一夫亡立志苦守始終不易知
縣王錫扁旌之

楊氏 閻思義妻出平陽府志事跡無考

國朝

劉氏 生員王昌祚繼妻年二十六夫亡翁意令轉適氏
志堅金石屹不為動撫幼孤四炳煌燔燁皆伯叔

之嗣其後者訓迪有方咸至
成立雍正七年建坊旌表

馬氏 王輔廷妻年二十五夫亡孝養舅姑撫育孤子守
節四十七年清操無玷雍正七年建坊旌表

耿氏 陳三儀妻性至孝會歲祲姑病割股療姑飢盜至
氏隻身獨守衛姑禦賊賊感之戒勿犯知縣耿表

其間曰純
孝可風

趙氏 王守緒妻早寡遺子二俱客死異地次媳趙氏偕姑守志姑病割股療之歲旱施水渠一道有地者

均食其利

趙氏 王小虎妻年二十一夫歿矢守奉姑母欲嫁之氏自縊救免事姑病卒乃曰吾今可以死矣遂自盡

郭氏 房可棟妻歸可棟未逾年可棟流亡莫知所之既而舅姑逝族人強之嫁氏堅執不從自縊死

王氏 房星耀妻年二旬星耀病臨終命更適氏泣曰是禽獸之不若也遂自縊以殉

楊氏 宋明金媳也明金病貧不能醫氏割股和羹以進病旋愈

李氏 張國璧妻家甚貧夫臥病一十三年毫無怨色撫子成立鄉里賢之

張氏 生員裴之龍妻夫亡遺孤未週歲父欲奪志誓死不從訓子成立有聲鬻序八十四歲卒邑令旌之

靈石縣志

卷之九

列女

四

王氏 鄭之輔妻年十九夫亡無子舅姑俱歿遺孤叔甫四齡氏撫育之青年守節皓首完貞八十歲卒

關氏 李所篤妻年十八夫亡遺子方數月家極貧甘心守節卒年九十二

郭氏 趙時貞妻年二十二歲夫亡矢志守節門內嚴肅若公府然七十一歲卒

何氏 田野治妻年一十九歲夫亡守節誓不再醮家貧紡績撫前氏之子如己子死撫孫始終不怠七

十三歲卒知縣史知府徐俱給扁旌之

張氏 李陽春妻年三十歲夫亡撫孤長如楠次如檜俱成名九十歲卒知縣史孟各給扁旌之一曰貞慈

一曰懿範可風

梁氏 趙元翰妻

和氏 張炳然妻

張氏 裴嗣航妻

裴氏 郝維清妻

張氏 裴承緒妻

高氏 王心孔妻

裴氏 廩生梁肯構妻

崔氏 廩生王精蘊妻

牛氏 王斗日妻

鄭氏 王慎躬妻

李氏 吳一龍妻

靈石縣志

卷之九

列女

五

燕氏 曹琪妻

王氏 宋顯任妻

梁氏 田幡然妻

王氏 何浩然妻

張氏 曹天雲妻

牛氏 梁雍妻

以上俱守志節出平陽府志無傳

閻氏 劉勇聲繼妻夫亡氏年二十四歲撫育前氏之子無異已出家貧紡績給養孀姑教子苦讀厥後入

泮里族有孟母之稱
乾隆三年題旌表

景氏 薛毓麟妻夫亡氏年十九歲堅志守節孝養舅姑
督教其子每夜篝燈針黹伴子讀書厥子早年入

泮乾隆四年
題准旌表

梁氏 生員吳良相繼妻年十九歲夫亡立誓守節奉事
舅姑唯謹時方生子八閱月有勸以再醮氏即毀

容謝絕卒教子成立
乾隆四年題准旌表

何氏 王之國妻夫亡氏年二十七歲家貧寒針黹奉養
舅姑迨舅姑歿鬻地營葬孝義兼盡甘貧守正教

子成立卒年八十八
乾隆六年題准旌表

張氏 生員王之望妻年二十六歲夫故氏甘守淡泊侍
養祖姑並舅姑勉奉甘旨未嘗少懈時孤子年未

週歲卒教訓成立乾
隆六年題准旌表

趙氏 童生翟之章妻夫亡年二十二歲夫故日姑亦歿
惟舅在堂奉養惟謹撫子成立知縣郎扁日冰心

靈石縣志

卷之九

列女

六

霜節闔邑士民扁日節孝可風卒
年六十七乾隆八年題准旌表

王氏 曹永祚繼妻夫亡氏年十九歲孝養舅姑撫前氏
二子與已子無異皆教訓成名節義兼盡歿年五

十七歲乾隆
八年旌表

梁氏 廩生吳永齡妻年二十八歲夫亡矢志守節遺孤
僅六歲策勵就傅嚴令讀父書卒名列黌宮歿年

七十二乾隆三
十二年旌表

王氏 監生吳鶴齡繼妻年二十歲夫亡遺孤尚在襁褓
保受教養奉侍孀姑備至教子後能成立卒年五

十二乾隆三
十二年旌表

田氏 生員張廷銓妻年二十一歲夫亡哀慟立志與夫
偕亡以病姑無依遺孤尚幼乃勉事姑撫子辛勤

不懈後子人傑頗能自
立乾隆三十八年旌表

趙氏 生員曹元塘妻年二十五夫亡遺孤方四歲矢志守節撫孤子世承娶妻後亦病故婆媳相依并守苦節乾隆三十八年旌表

張氏 曹世承妻夫亡氏年一十八歲孀姑趙氏以青年守節實難氏即堅守志節與孀姑相依奉侍勤謹後撫遺腹子既長有室未幾亦卒乾隆三十八年旌表

張氏 生員陳琚妻年二十八歲夫故矢志守節侍養翁姑教育其子後子若孫曾孫四世一堂人以為守節之報乾隆三十八年題准給扁嘉獎

宋氏 王衍璽繼妻夫亡氏年一十九歲事姑撫子辛勤備至迨子欽客天津病故妾李有遺腹子氏親赴天津扶柩歸並携孤孫旋里教養成立今孫泰來現生三子家門復振里人傳為美談以為苦節之報乾隆三十八年題准給扁嘉獎

靈石縣志

卷之九

列女

七

鄭氏 州同陳萬緯妻年二十三歲夫亡以夫囑親老弟幼氏克體夫心盡孝盡禮嗣子亦亡撫孫教養勤摯始終不怠乾隆三十八年題准給扁嘉獎

趙氏 王燦妻夫亡氏年二十三歲矢志守節敬事孀姑以紡績供養後撫子成立乾隆四十年旌表

曹氏 州同房廷塔妻年二十歲夫故孝事孀姑苦節教子遇盜捨命護姑尤為難得後子源清克自成立皆氏勤苦所致也乾隆四十年旌表

吳氏 監生梁彩藻妻年二十歲夫亡謹事繼姑撫遺孤教養備至性慈祥好施與為里黨所稱乾隆四十年旌表

梁氏 生員楊世模妻年二十二歲夫亡堅守苦節事祖姑盡道撫二孤零丁孤苦教以成名乾隆四十五年旌表

楊氏 生員王夢麟繼妻年二十五歲夫亡矢志柏舟姑

孤辛勤備至卒年八十六
乾隆四十六年旌表

曹氏 監生梁健繼妻年二十五歲夫故立志守節事姑

撫子家貧紡績事育始終無間言卒能教子成立
乾隆四十六年旌表

王氏 梁熾妻夫亡氏年二十四歲家貧無子有諷以再

醮者氏拒絕日勤針黹以事舅姑後繼子亦病卒
婆媳相依撫孫度日
乾隆四十八年旌表

王氏 梁思忠妻夫亡氏年一十九歲矢志守節與孀共

處孝養勤謹教子成立乾隆四十八年旌表
王 氏 儒童梁勝任妻年二十五歲夫故家貧守節服勞
奉姑撫二孤教養辛勤卒以壽終乾隆五十二年

旌表

靈石縣志

卷之九

列女

張氏 貢生王中衡妻夫亡氏方十九歲姑老子幼誓死

守節仰事俯畜恩義兼盡教子寓嚴于慈卒能成
立氏苦節之報也乾
隆五十二年旌表

曹氏 王維城妻夫亡氏年二十一歲生一子未週歲誓

死守節奉侍翁姑始終不懈俄遺子天以堂姪錫
繁為嗣氏愛如已出比長為娶妻閻氏生一子而錫
繁又卒遺孫尚幼氏撫育艱難仰承色笑恐傷翁姑

心里鄰咸稱頌之乾
隆五十六年旌表

閻氏 曹氏媳也錫繁妻年十八歲夫亡生一子方週歲

氏依姑撫子旋氏以哀慟病故乾隆五十六年旌

張氏 王淮心妻夫亡氏年二十七歲以柏舟自矢奉侍

病姑撫教弱孤孝謹肫篤始終不渝乾隆五十六
年旌表

王氏 梁繪辰妻夫亡氏年二十五歲夫囑孝養老姑撫育幼子氏承夫命柏舟自矢卒至姑終天年子克

成立有孫四人皆業儒人以為苦節之報乾隆六十年旌表

陳氏 梁澍妻夫亡氏年一十八歲堅守苦節奉侍孀姑勤針黹以供日用教嗣子事寡嫂其嫂曹氏亦以

柏舟共矢乾隆六十年建坊旌表為一門雙節

宋氏 王宗禹妻夫亡氏年二十一歲捨天泣血如不欲生孝事翁姑先意承志又事繼姑撫教嗣子卒能

成立氏之力也嘉慶二年旌表

王氏 程步青繼妻夫亡氏年二十四歲事孀姑藺氏備極孝養家貧紡績教子辛苦萬狀長子前室所生

氏教同已子俱嚴督讀書有九熊畫荻之風後長子體常竟成進士官至郎中皆以為其母苦節之報嘉慶三年旌表

靈石縣志

卷之九

列女

九

吳氏 梁繪璿妻夫亡氏年二十一歲哀號成疾經年乃愈母老子幼家無恒產藉紡績以孝事孀姑教養

幼子中介卒致成立嘉慶三年題准旌表

王氏 生員申作賓妻夫亡年二十九歲號慟欲死承姑囑以撫孤節哀時子在懷乃上事翁姑鞠育幼

子又謹事繼姑撫育幼弟咸皆成立嘉慶四年旌表

李氏 張大恩妻夫亡氏年二十五歲事翁姑盡禮勤儉持家遺孤三歲愛護備至用能成立今有孫五人

咸守規矩氏之教也嘉慶四年旌表

吳氏 何禹疏妻夫亡氏年二十歲以翁姑年邁節哀奉養旋遺孤復歿遂欲自縊以救解得甦後以堂姪

巨楫為嗣子嚴課讀書以紡績養給之為鄉里所稱頌嘉慶五年旌表

房氏 任毓靈妻夫亡氏年二十二歲家貧以女紅給侍孀姑遺孤始四月撫教成立嘉慶五年旌表

曹氏

游擊陳企賢繼妻氏年十九歲夫亡矢志守節時
藥禱以身代姑知病難愈勞之曰吾無以報孝婦也
願爾將來得賢媳如爾之賢孝足矣親族猶稱述之
氏適陳甫年餘未育前室遺孤德溥年未週歲氏撫
育一如已出比長嚴督讀書于乾隆庚子登賢書氏
乃怡然日子幸成立吾今乃告無愧於亡人矣人莫
不欲表揚之氏曰吾不能從良人於地下抱愧多矣
雖茹藥飲茶婦道應爾何足稱頌聞斯言也人愈服
其志節之誠嘉慶六年題准旌表

田氏

王學海繼妻夫亡氏年二十五歲家道拮据以夫
績供養嚴課子讀書今皆成立孫曾滿堂皆氏苦節
之報也嘉慶七年旌表

冀氏

生員王誠繼妻年十五歲于歸未半載夫歿哀慟
欲以死殉以翁姑言遂斷髮明志紡績作活孝養
翁姑視前室子如已出教恤備至至子以中年殂逝
又撫遺孫艱難萬狀一鄉悲氏志之苦聞之無不墮

靈石縣志

卷之九

列女

十

淚嘉慶八年旌表

曹氏

監生吳德乾繼妻年十九歲夫亡子幼翁姑衰老
乃節哀奉養辛勤備至今子已成立孫又滿堂人
以為天之報施善人不
爽也嘉慶十一年旌表

王氏

貢生何道興繼妻夫亡氏年二十三歲性至孝事
翁姑盡禮撫繼子賜綬訓以詩書勤紡績以為延
師之資爰能成名氏之
教也嘉慶十九年旌表

田烈婦

李友甫繼妻嘉慶六年友甫病篤子尚在襁褓
臨卒囑以撫養氏曰妾盡心撫養濟則夫之靈
也不濟則以死繼之是年子以痘症死氏遂墜樓卒
時年二十二歲嘉慶十一年題准旌表

王氏

高紹南妻夫亡氏年二十歲遺孤未週歲子殤自
縊邊令扁旌之曰貞節流芳

李氏

王國樞妻夫貿易在外病終平定扶柩歸未過七
日氏縊於柩首知縣姚扁曰甘心從一親族並扁

曰烈並翽金又為詩以傳
氏之苦節歿年二十四歲

景氏 武恒妻年二十歲夫歿孀居教
子守節五十年七十歲以壽終

張氏 武光輝妻景氏媳也年十八歲夫亡與孀姑相依
撫育遺孤孀居五十八年卒年七十六歲

楊氏 何廷琳妻夫歿年二十四歲子何順
年方齠稚矢志撫孤守節六十一年

余氏 何順妻楊氏媳也年二十三歲夫亡止遺一孤與
姑楊氏茹苦堅守五十一年時稱為一門雙節

高氏 張心賢繼妻夫歿氏年二十二歲生二子又撫前
室子如已出勤苦撫諸子成立守節四十一年壽

六十二
歲卒

孫氏 張存信妻高氏媳也年二十五歲夫亡遺孤六歲
撫養成立守節五十七年姑媳繼美兩世苦節族

一里憐其苦
扁以旌之

靈石縣志

卷之九

列女

十一

張氏 儒童翟翔止妻夫歿氏年二十六歲孝事舅姑撫
教三子皆能成立守節四十四年親族扁旌曰白

髮冰
霜

裴氏 翟冲宇妻張氏之媳氏年二十九歲夫亡撫育遺
孤孝事孀姑姑媳相依守節四十五年

李氏 廩生趙光淇妻夫亡氏年二十六歲家貧姑老子
亡繼姪茹苦飲冰壽六十五歲卒

張氏 趙梅妻李氏姪媳也氏年二十歲夫亡撫遺腹子
矢志守節孝事病姑訓子以繼書香可稱一門雙

節

趙氏 王泮妻年二十九歲夫亡家貧子幼辛苦撫育孀
居五十年

張氏 王履謙妻趙氏媳也夫歿氏年二十八歲遺子文
中方四齡氏以媳代子以母兼師姑媳相依苦節

三十八載壽
六十五歲卒

李氏 楊蔚繼妻夫歿氏年二十二歲遺孤成業方二齡

王氏 楊成業妻李氏之媳年十九歲夫亡孝姑教子兩世守貞

趙氏 故儒蘭清毓妻年二十六歲夫歿遺子輝先家貧紡績教子苦節四十八年鄉族贈扁曰貞節堪欽

高氏 蘭輝先妻趙氏媳也年二十二歲夫亡孝姑撫子守節三十一年

張氏 蘭百齡妻高氏之媳夫亡氏年二十一歲無子姑老無依矢志從一可謂一門三節

李氏 喬大德繼妻年二十一歲夫歿姑老弟幼矢志靡他守節十九年卒

溫氏 張心端妻年二十一歲夫亡無子立嗣子歿撫孫備極劬勞歷三十八載族人扁曰玉節冰瑩

梁氏 裴斌妻年二十八歲夫歿遺子爾定未週歲苦心撫育得至成立今兒孫滿堂皆氏苦節之報也壽八十二歲卒

靈石縣志

卷之九 列女

趙氏 韓奮揚繼妻年二十五歲夫亡家貧勤苦孝養翁姑撫教孤弱以至成立壽五十二歲卒

房氏 任續孔繼妻夫亡氏年二十三歲孝事孀姑教育前室子守節六十八載壽九十歲儒學扁曰鶴齡

松操

翟氏 張洪義妻夫歿氏年二十九歲苦節撫孤始終如一歷四十五年卒

王氏 陳适妻年十九歲夫歿青年勵節教養遺孤勞苦致疾而卒

郭氏 楊珽妻夫亡氏年二十九歲無子以姪純義承嗣矢志勵守紡績自度壽七十九歲卒知縣彭給扁

曰心堅 金石

張氏 王墳妻年二十八歲夫歿無子以族姪百齡承嗣家貧勤苦上事孀姑下教嗣子壽七十六歲卒

曹氏 張開富妻夫歿氏年二十七歲無子繼姪為嗣撫養成立親族送扁曰義綿宗祀壽六十五歲卒

陳氏 李璋妻夫亡氏年二十一歲遺孤方三齡矢志撫養得以成立節逾松柏老而彌堅壽七十九歲卒

人扁曰彤
管堪標

蘭氏 段繼明妻氏二十九歲夫歿遺子永安幼稚氏矢志上事翁姑下撫孤兒勤苦供養歷五十一年族

宋氏 生員楊萬達妻夫歿氏年二十四歲矢志勵操孝養舅姑撫教嗣子壽五十六歲卒

伏氏 裴諧妻年二十八歲夫亡矢死靡他撫教嗣子艱苦備嘗親族扁曰松筠遠蔭

張氏 陳生奇妻夫歿氏年二十七歲遺孤方四旬矢志養育孝事老姑年七十九歲卒

任氏 張思敬妻年二十四歲夫亡遺子方週歲克勵清操終始不懈壽六十三歲卒

張氏 田榮九妻年二十九歲夫亡無子以姪田淑承嗣苦節教養歷四十八載

張氏 翟奮翼妻年二十三歲夫故氏矢志茹苦孝翁姑撫幼弟喪葬婚嫁一身獨任復撫育遺孫辛勤備

靈石縣志

卷之九

列女

歷壽五十
九歲卒

燕氏 王傳易妻年二十四歲夫歿孝侍舅姑劬勞訓子歷五十七載卒年八十一

鄭氏 貢生李潤基妻年二十七歲夫歿矢志守貞吞糠茹荼撫教遺孤歷六十載卒年八十七

蘭氏 陳思敬妻夫亡年二十七歲無子以姪鳳儀承嗣苦節四十載

梁氏 趙攀鸞妻年二十二歲夫亡遺孤未週歲勵志撫養賴以成立卒年五十二

古氏 監生房寧妻寧亡氏年二十六歲遺二孤皆幼孝事翁姑辛勤訓子歷三十五載病卒

趙氏 陳清平妻夫歿氏年二十一歲姑老子幼仰事俯育備極艱苦壽七十七歲親族扁曰松筠著節

羅氏 孫宏富妻夫歿氏年二十三歲遺子幼稚紡績度日教子成人卒年七十九

田氏 高耀宇妻年二十三歲夫亡遺孤未週歲氏上事舅姑下撫幼弱茹苦食貧媳代子職寓嚴于慈貞

操聞于鄉里守節四十四載卒年六十七

王氏 何其适妻年二十八歲夫歿矢死靡他孝事舅姑撫教二子子亡仍撫幼孫歷五十一年卒年七十

八歲

陳氏 梁希孟妻夫亡氏年二十五歲姑老子幼家道維艱茹藥飲荼備歷劬苦鄉里扁曰心同金石年五

十八歲卒

耿氏 監生鄭時利繼妻夫亡氏年二十七歲節孝性成事姑撫子里黨同欽守節三十七年卒時六十三

宋氏 耿晃繼妻年二十八歲夫亡遺子甫二齡誓死鞠育教訓成立壽八十歲卒親族扁曰竹節松年

楊氏 儒士喬德昌妻夫歿氏年二十歲事姑訓子始終不渝卒年六十一歲

何氏 杜繼衍妻年二十二歲夫歿孝事孀姑慈育螟蛉冰霜勵節歷四十六年卒年六十八歲

靈石縣志

卷之九

列女

古

李氏 吳金聲妻年二十七歲夫歿慈撫嗣子不啻已出守節三十一年年五十八歲卒

吳氏 梁繪聲繼妻年二十六歲夫歿紡績奉姑和丸訓子歷五十二年卒年七十八

吳氏 翟世瑄妻夫歿氏年二十八歲矢志無他教子成立歷三十三年載知縣龍給志節凌霜扁以旌之

汪氏 生員王垂訓妻夫歿氏年二十九歲孝事翁姑慈教孤兒後子澍覃早遊黌序皆氏教誨之力也學使童給扁曰

苦節可風

李氏 田積玉繼妻年十九歲夫亡孝敬翁姑慈訓前室子得至成立守節五十九年親族匾曰松石流芳

張氏 儒士王度妻年二十九歲夫亡甘貧教子守節三十四年

翟氏 儒士房世茂妻夫歿氏年二十九歲孝養舅姑教子成立歷五十一年

燕氏 梁可美妻年二十六歲夫歿紡績教子孀居三十載人無間言

王氏 李如芝繼妻年二十七歲夫歿氏誓不他適事孀姑撫幼子歷四十九載如一日

李氏 田悟儒妻年二十九歲夫歿矢志茹苦教育遺孤孀居四十九載

曹氏 從九郭賓繼妻夫歿氏年二十七歲遺孤尚幼辛勤教養又孝事病姑始終盡禮親族送扁曰幽貞

純孝

王氏 陳耀宗妻夫歿氏年二十歲遺孤方三閱月孝事翁姑喪葬盡禮持家教子備極劬勞親友送扁曰

冰霜
清潔

翟氏 監生申作謀繼妻年二十五歲夫亡無子繼姪教養成人孀居四十一年卒

張氏 李起榮妻年二十七歲夫亡子春芳甫週歲勤苦教育俾克入泮刻厲堅貞歷四十七年鄉里咸稱

頌焉

靈石縣志

卷之九

列女

十五

郭氏 王道淳妻年二十二歲夫歿飲冰茹蘗撫育腹子孀居四十七年人無隙議

張氏 儒士祁景奚妻年二十三歲夫歿孝事舅姑慈撫姪嗣學使黃給扁曰心堅金石壽六十八歲

余氏 梁元鳳妻夫歿氏年二十四歲無子繼姪教養成八年五十二歲卒

何氏 武璞玉妻年二十八歲夫故無子繼姪孝舅姑撫嗣子子亡撫孫得至成立年四十四歲卒

王氏 監生陳峻德妻年二十六歲夫亡劬勞教子守志二十八載卒

祁氏 從九張德新妻年二十五歲夫歿矢志守節孝侍盲姑始終如一慈教諸子皆能成立歷四十五年

王氏 任鵬翔妻年二十七歲夫故遺子二人紡績度日鄉人贈匾曰畫荻高風壽七十五歲

趙氏 田秀儒妻年二十三歲夫故甘貧守志上事衰姑下撫孤兒貞操冰澈親族給扁曰冰雪心操

耿氏 王際輝妻夫歿氏年二十八歲甘貧守貞孝事舅姑始終無間

燕氏 前利廷繼妻夫亡氏年二十八歲孝事舅姑慈教前室子邑侯給扁旌曰淑慎柔嘉孀居四十年卒

李氏 許廷芝繼妻年二十八歲夫歿矢志守節撫前室子成立備嘗艱苦年五十二歲卒

韓氏 翟光泰妻年二十八歲夫亡矢志守貞晝耕夜織歷三十六載卒

段氏 閻篤恭繼妻夫歿氏年二十五歲遺孤幼稚境困時艱孀居四十載人無間言

郭氏 監生王憶妻年二十九歲夫歿家貧紡績撫孤成立前知縣胡給扁旌獎

閻氏 宋繼濂繼妻年二十四歲夫歿姑老子幼矢志侍養歷三十九年卒

楊氏 原愷妻夫歿氏年二十歲遺孤甫二月上事衰姑下養弱兒辛苦萬狀歷四十二年卒

郭氏 楊春盛妻夫歿氏年二十九歲順意承姑慈撫諸姪歷四十九年卒

吳氏 李兆麟繼妻年二十五歲夫亡甘心守節撫育前子不異所生四十五歲卒

靈石縣志

卷之九

列女

六

南氏 楊樟妻年二十八歲夫故遺孤未及一歲矢志靡他操同金石歷五十五年卒

梁氏 吳世堂妻年二十七歲夫亡家貧姑老無子姪嗣婦兼子職勞瘁弗辭壽七十二歲卒

曹氏 廩生武泰繼妻年二十八歲夫亡孝養翁姑撫弱兒積三十七載卒

楊氏 張世昌繼妻年三十歲夫歿撫前室子如已出教養成名

鄭氏 楊芳林妻年二十七歲夫歿上事衰姑下育幼子苦節著聞

王氏 宋興業妻夫亡氏年二十七歲家貧紡績事姑教子親族給扁一日節茂松筠一日貞莖凌霜

郭氏 生員王堂琛繼妻年二十二歲夫歿食貧撫孤以綿嗣續歷三十載卒

祁氏 張懷義妻年二十三歲夫亡遺子甫二齡矢志貞守積四十五年親族送扁曰撫孤全節

王氏 曹周衍妻夫歿氏年二十四歲勵節堅貞親族旌曰純孝苦節

李氏 康明倫妻年二十六歲夫歿遺孤方三齡甘貧守志孝翁姑撫子女皆至成立積三十五載卒

尹氏 溫法言妻年二十八歲夫亡孝事孀姑慈撫孤兒歷四十六載卒

趙氏 郝運泰妻夫歿氏年二十八歲禮葬翁姑訓育子息以至成立今孫曾玉立四世同堂皆氏苦節之報也歷三十六載卒

張氏 任封三妻夫歿氏年二十四歲遺孤方週歲守節教子歷二十九載卒

祁氏 張尚紳妻年二十六歲夫亡遺子鳴謙僅六齡氏奉事翁姑撫育弱息得以成立歷四十二載卒

田氏 郝建邦妻年二十二歲夫歿遺孤三齡甘貧守志教育弱息歷三十九載卒

張氏 曹繼周繼妻夫歿氏年二十八歲撫前室子如已出勤劬教育子亡撫孫卒致成立孀居四十三載

溫氏 尹勤讓妻年二十八歲夫歿遺子方週歲氏勤儉紡績上事太翁姑及翁姑下撫弱息孝慈兼盡歷

靈石縣志

卷之九

列女

七

四十七載卒

燕氏 廩生楊在泗妻年二十七歲夫歿守志甘貧侍奉舅姑克全節孝孀居四十二載卒

郭氏 王君讓妻夫歿氏年二十九歲矢志守節孝事衰姑始終不懈孀居五十二載卒

翟氏 儒士吳韶妻年二十一歲夫歿遺孤方三齡矢志育子上侍舅姑曲盡婦道孀守四十四載

郭氏 關廂里王兆鳳妻年二十四歲夫歿甘貧育子子亡育孫宗祀賴以不絕孀守六十載卒

李氏 朱家圪梁村王兆鳳妻年十九歲夫亡翁姑衰邁矢志奉事晝夜紡績以供甘旨已而翁姑并逝喪葬盡禮孀守五十四載卒

韓氏 華爾吉妻夫歿氏年二十八歲遺子尚幼矢志教育卒致成立孀居四十七載卒

孟氏 尹述文妻夫歿氏年二十二歲遺孤幼弱甘貧守養歷三十五載卒

張氏 陳璫妻年二十四歲夫歿家貧無親撫養孤兒晝夜針黹以給衣食鄉族欽之贈扁曰鶴壽松貞孀

居五十
五載卒

曹氏 陳瓚妻年二十四歲夫歿孝事翁姑慈教嗣子子亡撫孫勤苦五十六載親族贈扁曰松筠節操

楊氏 曹發英妻夫歿氏年二十六歲遺孤方二齡甘貧教子孀守五十八載邑令張給扁曰筠節清風

王氏 王興妻年二十三歲夫亡無子守節以姪承嗣甘貧茹荼撫嗣成立孀居四十四載

溫氏 陳光裕妻年十九歲夫亡上事翁姑下撫弱息孝慈兼盡孀守四十五載

董氏 梁玉盛妻性至孝持家勤儉年二十四歲夫亡遺孤甫六齡茹苦撫孤始終不渝孀居四十四年卒

宋氏 梁芳妻年二十七歲夫歿矢志靡他撫子成立孀守三十六年卒

朱氏 尤立臣妻年二十六歲夫歿堅志守節勤苦撫孤尤立臣妻年二十六歲夫歿堅志守節勤苦撫孤卒年六十歲

靈石縣志

卷之九

列女

六

牛氏 趙世英繼妻年二十七歲夫故家貧守志事舅姑撫弱息紡績度日始終不渝孀居五十餘年卒

王氏 張學誥妻年二十三歲夫亡家貧子幼矢志柏舟親族扁之曰松節竹筠

王氏 溫知機妻年二十四歲夫亡撫遺腹子立志守節奉養舅姑撫子成立孀居四十五年卒

喬氏 孫文恕妻年二十六歲夫故矢志節奉舅姑撫幼子苦守四十四年壽七十歲卒

房氏 生員趙世奇繼妻年二十四歲夫歿誓志守節不辭勞瘁續以積勞成疾卒

房氏 李正藩妻年二十九歲夫亡事姑教子克盡其道歷四十餘年如一日

段氏 康元林妻年二十七歲夫歿家貧矢志節撫子成立卒年七十三歲親族祭告有得糠當米咬菜連根之句語道其實

聞者為之泣下

楊氏 藺名卿妻年二十七歲夫歿姑老子幼忍飢孝養教子成立以綿宗祧孀居五十六年卒

劉氏 康庫妻庫亡氏年二十六歲甘貧守節慈撫三子皆至成立歷二十七年卒

郭氏 董清超繼妻年二十一歲夫亡生遺腹子誓志無二紡績撫子孀居四十五年卒

田氏 梁時妻年二十八歲夫亡甘貧撫孤歷四十五年如一日親族送扁曰撫孤成立

張氏 梁善養妻田氏媳也年二十六歲夫亡姑媳相依撫養弱息備嘗艱苦親族為製扁曰松節蘭枝

王氏 宋學妻年二十八歲夫歿生二子尚幼矢志撫養皆至成立族中製扁曰高節邁倫

李氏 生員田或妻年二十六歲夫亡生遺腹子立志撫孤紡績教訓歷三十五年卒

張氏 王懷遠妻年二十一歲夫歿孝事孀姑撫姪承嗣姑歿喪葬盡禮訓飭子女俱得大體縣令張給扁曰冰霜並潔親族送扁曰寶婺生輝

張氏 陳爾榮妻年二十八歲夫故家貧撫孤勤儉教養歷四十九年卒

靈石縣志

卷之九

列女

九

王氏 趙金考妻年二十二歲夫歿遺二子俱在襁抱而翁姑有二幼子氏矢志上事下撫皆盡其道家赤貧依伯父仰給以終焉鄉族為送扁曰節孝可風

李氏 梁繡雲妻年二十九歲夫歿孝事病姑撫姪承嗣後姒舉子氏保護如已出以慰姑心不幸姒子卒氏哀痛成疾病故

王氏 梁勝任妻年二十五歲夫故孝事孀姑慈撫遺孤積二十餘年志節不渝後因勞成疾卒

吳氏 程憲寅妻年十九歲夫歿上事孀姑撫遺腹子辛勤備歷始終如一苦節三十年卒

趙氏 楊淳妻年二十一歲夫亡撫遺腹子矢志靡他教子治家皆合法度孀守六十年知縣龍贈扁曰節

堪壽

羅氏 續紹會妻年二十歲夫歿守節撫孤歷六十年如一日親友送扁曰節易孤難

世

武氏 師存利妻年二十八歲夫歿遺孤九齡勤劬力作撫教成立茹苦五十九年卒

張氏 韓煤妻年二十三歲夫亡孤子甫四齡氏上事翁姑下撫孤兒歷五十七年卒

王氏 州同吳遜繼妻年十九歲夫歿遺腹生女擇繼續嗣上侍翁姑下育子女皆至成立孀守五十九年卒

李氏 曹德齊妻年二十九歲夫故遺孤四齡矢志守節孝事孀姑慈撫幼子至于成立歷四十四年卒

燕氏 曹文遠妻年二十四歲夫亡甘貧守節閱四十九年卒

任氏 方生孝妻年二十一歲夫歿遺子方週歲安貧守義子夭撫孫孀居五十九年卒

李氏 何澤民妻年十九歲夫歿遺孤方三歲守節撫育躬勤紡織歷五十五年卒

陳氏 孫文福妻年二十八歲夫歿撫孤食貧始終如一歷四十六年卒

靈石縣志 卷之九 列女 二十

張氏 生員劉三策妻年二十二歲夫歿矢志守節上事孀姑撫孤成立歷五十二年卒

何氏 任可甫繼妻年二十六歲夫歿家貧子幼矢志柏舟歷四十九年卒

王氏 監生田九賦妾年二十八歲主夫歿無出矢志節撫教嫡子至于成名氏之力也孀居五十六年卒

郝氏 吳思聖妻年二十七歲夫歿撫孤成立茹苦五十六年卒

王氏 張相清妻年二十四歲夫亡遺孤未週歲矢志撫育子卒撫孫以至成立歷四十九年卒

劉氏 閻積德繼妻年二十四歲夫歿無出撫前室子如己生子死撫孫以承嗣續歷四十六載卒

王氏 監生何治漢妻年二十五歲夫亡遺孤未週歲矢志守節孝事舅姑撫教幼子時稱節孝

王氏 李士璉繼妻年二十六歲夫歿無子繼姪紡績食苦矢死靡他孀守四十五載卒

任氏 申嘉謨妻年二十七歲夫亡家貧無子繼姪承嗣孝事翁姑慈撫繼子以至成立孀居五十四年卒

李氏 張子恭妻年二十七歲夫歿食貧守志孝事舅姑教養二孤鄉黨稱其賢淑孀守六十五載壽九十

三歲卒

王氏 趙興郎妻年二十九歲夫故遺二孤撫養成立守節二十八載卒

弓氏 嚴又惠妻年二十一歲夫歿守節撫孤紡績度日歷五十九載卒親族贈扁曰節孝可風

趙氏 趙寧晉妻年二十八歲夫歿茹苦撫孤二胞弟夫婦繼亡遺三子幼皆氏鞠養成立歷三十三載卒

任氏 梁作哲繼妻年二十一歲夫亡無子以姪繼嗣事姑撫兒始終不渝歷五十三載卒

何氏 監生吳君楷繼妻年二十五歲夫故生遺腹子並撫前室女教養成立勤劬肫摯

汪氏 王作霖妻年二十一歲夫歿遺孤未週歲矢志守節孝事舅姑慈教弱息孀居三十載卒

沙氏 薛芝旺妻年二十四歲夫歿矢志守貞事老姑撫孤兒以婦代子以母兼父劬勞備至歷五十一載

靈石縣志

卷之九

列女

三

卒親族贈扁曰鶴齡松貞

李氏 梁仰雲妻年十九歲夫亡青年孀守閨門嚴肅事姑教子各盡其道以勤勞不壽卒

梁氏 武生王愷來繼妻年十八歲夫亡遺子甫二月甘貧撫孤勤苦備嘗不壽而卒

李氏 李國彥妻年二十九歲夫亡無出以姪繼嗣禮葬翁姑教育嗣子孀居四十二載卒

楊氏 雷奮妻年二十五歲夫歿勤儉持守終始不渝

張氏 曹德華妻年二十九歲夫亡守節撫孤備嘗艱苦孀居三十四載卒

王氏 郭屢忠妻年二十四歲夫故家貧子幼貞守逾堅族黨為贈扁曰冰清玉潔

王氏 縣丞趙信妻年二十八歲夫歿時翁姑老邁矢志孝養遺孤天亡繼姪為嗣教之成立不異所生當時有女中丈夫之稱孀居五十二載卒

楊氏 曹德輔妻年二十九歲夫亡守節撫孤以至成立 歷三十六載卒

張氏 閻世名妻年二十九歲夫亡遺子四齡甘貧撫育 始終如一壽八十三歲卒

楊氏 張汝翼妻年二十五歲夫歿姑老子幼上事下育 皆盡其道貞守三十八載鄉人稱其賢教諭任給

扁曰鶴 髮松心

李氏 張羽翼妻年二十八歲夫歿無出舅姑在堂賴氏 守志奉侍後嗣姪為繼禮葬二親訓教嗣子至於

成立孀居四十九載鄉 人贈扁曰節堅松柏

陳氏 梁璋妻年二十八歲夫歿矢志不貳奉事舅姑撫 育遺腹子以續夫嗣艱苦備嘗閱數十載如一日

劉氏 吳洪圖妻年二十三歲夫亡無出以姪承繼撫養 周至克以成立守節四十二載卒

宋氏 張友藝妻年二十三歲夫歿孝事舅姑以兄子承 嗣苦志訓迪閱四十二載族人以扁旌之曰節壽

靈石縣志

卷之九

列女

三

雙美又曰 皓首完貞

薛氏 趙存祥妻年二十七歲夫亡遺子三歲氏躬親工 作訓子成立孀居五十一載卒

王氏 趙紹旺妻薛氏媳也年二十九歲夫亡遺子未週 歲氏上事孀姑下撫弱息備歷艱苦鄉人稱賢

張氏 郝亦義妻年二十七歲夫歿姑老子幼熒熒無依 氏堅志守貞奉姑撫子皆盡其道後子夭撫孫壽

七十四歲鄉里贈 扁曰貞德麟孫

閻氏 郝玉璋妻張氏媳也年二十九歲夫亡遺孤尚幼 事孀姑養幼子克至成立今兒孫繞膝亦苦節之

報也

張氏 李發隆妻年二十七歲夫亡甘貧守志撫孤成立 閱三十五載卒

南氏 張僖妻年二十六歲夫歿甘貧守志奉事翁姑撫 養子女歷數十年如一日

梁氏 孟珩妻年二十四歲夫亡無出撫姪繼嗣以延宗

吳氏 田楓妻年二十七歲夫歿姑老子幼茹苦事育鄉

梁氏 郝一侁繼室年十八歲夫歿家貧無出撫前室子

陳氏 房思聰妻年二十四歲夫亡遺子方週歲食貧教

王氏 監生陳光烈妻年二十三歲夫歿矢志守節奉翁

郭氏 監生房國光妻年二十七歲夫歿順事衰姑茹苦

王氏 郭鍵妻年三十歲夫歿勤儉持家日事紡績積有

張氏 吳永祿妻年二十歲夫出外無踪氏守苦節奉養

靈石縣志

卷之九

列女

完全貞節

李氏 楊芹妻年二十六歲夫歿家貧茹苦事翁姑撫弱

郝氏 張溫妻年三十歲夫亡生有二子幼兒孀婦山居

景氏 郝隆詔妻年二十六歲夫亡生遺腹子姑老子幼

曹氏 監生程生灼妻年二十四歲夫亡上事衰姑下養

張氏 儒童趙中潤妻年二十五歲夫亡家貧子幼苦節

楊氏 王躬肅繼妻順治十六年有扁曰割股愈姑係知

武氏 遊擊何道深妻年二十一歲夫從征緬甸陣亡生

十九年卒親族送扁曰松筠節操又曰全忠節孝

屈氏 溫又威妻年十九歲夫歿遺孤方二齡甘貧守志始終不懈

武氏 張鵬翼妻年二十六歲夫歿無出矢志靡他撫育嗣子勤劬備至

嚴氏 溫遠文妻年二十七歲夫亡孤子方四齡貞守撫子得至成立

何氏 監生雷青雲妻年二十四歲夫歿甘貧撫孤孀守三十三載卒

李氏 陳萬倉妻年二十五歲夫亡守志養子以至成人親友送扁曰貞節流芳

任氏 崔賢妻年二十八歲夫歿家道寒苦撫孤成立

孔氏 吳天佑妻年二十九歲夫亡矢志守貞撫子成丁孀居三十一載卒

梁氏 監生劉克剛繼妻年十九歲夫亡撫前室子力勤課讀仁厚好施族黨賢之

楊氏 董元超妻年二十四歲夫亡事姑撫幼貞守六十載卒

靈石縣志

卷之九

列女

二

武氏 劉琰妻年二十二歲夫歿遺子五歲甘貧苦守事翁姑養弱息孀居五十六載卒

郭氏 張集義妻年二十歲夫亡家貧苦守事衰姑撫幼子孀居四十載卒

李氏 楊茂林妻年二十一歲夫歿遺子二齡矢志貞守事孀姑撫幼子始終不二親族贈匾曰節孝可風

原氏 李國貴妻年二十八歲夫歿遺孤方週歲矢志守節上事翁姑下撫弱息教養成成人

曹氏 王伸妻年二十七歲夫亡矢志守志上事七旬老姑下撫五月孤兒食貧力苦子死撫孫始終如一

王氏 監生牛儒芷繼妻年十八歲夫歿事舅姑撫前室子克盡孝慈人無間言知縣蔣給扁曰松筠節操

趙氏 王秉智妻年二十八歲夫亡家貧無資矢志守節事翁姑撫幼子歷盡艱苦鄉里以節孝稱之

郝氏 閻純泰妻年二十三歲夫歿遺二子皆幼姑因哭子喪明氏晨昏敬養克盡婦道教子嚴肅用皆成立學使黃給扁曰飲冰畫荻

李氏

王元堂妻夫歿氏年二十四歲翁姑衰老子甫五齡家計甚艱氏仰事俯育竭盡勤劬茹蘖飲冰節操益勵現年六十四歲
嘉慶二十一年旌表

王氏

何鴻綬妻年十六歲夫亡甘心守節敬事翁姑慈撫繼子初終不懈嘉慶二十一年旌表

王氏

閻鵬翽妻年二十三歲夫亡矢志守節勤儉持家事舅姑撫幼子孝慈兼盡

張氏

監生王東閣妻年二十二歲夫歿遺子週歲翁姑老邁姑兼患瘡疾氏上事下育各盡其道宗族以賢孝稱之

陳氏

溫岐山妻年二十三歲夫歿姑老子幼矢志守貞卒能禮葬其親成立其子

翟氏

武作師妻年二十三歲夫歿孝姑教子並撫孤姪勤劬備至

田氏

劉學禮妻年二十五歲夫歿工方週歲翁姑衰老氏矢志不二後二老壽終子亦旋歿擇同宗子為

靈石縣志

卷之九

三

孫以延
夫嗣

蘭氏

楊周繼妻年二十八歲夫亡甘貧苦守事孀姑撫弱息孝養備至

張氏

續常書妻年二十四歲夫亡遺孤方四齡家寒祚薄矢志堅守上事祖翁姑下撫弱息支持家計備極勤劬學使黃給扁曰節備孝慈

溫氏

尹開金妻年二十三歲夫亡遺子未週歲翁姑年老氏甘心苦守上事下育始終不渝

馬氏

布政司理問耿逢源繼妻年二十三歲夫歿止生一女前室子三人尚皆幼穉氏守節靡他撫教如己出三子賴以成立鄉里咸稱之

張氏

牛漢妻年三十歲夫歿孝事孀姑持家勤儉

張氏

監生任毓成繼妻年二十七歲夫歿矢志靡他事孀姑撫弱子督教寓嚴於慈後子守禮遊庠食餼

皆氏教誨
之力也

張氏 儒士宋文煥繼妻年二十八歲夫亡遺子方週歲
堅守苦節孝翁姑訓孤子鄉黨咸稱其賢淑

郝氏 曹沂妻年二十九歲夫亡無出立志守節事孀姑
撫繼子以延夫嗣

張氏 武生梁子亨妻年二十六歲夫亡甘貧撫孤教訓
成立

韓氏 翟凌青妾年二十九歲主夫歿生二子俱幼守志
教養不事姑息曾遇歲饑命子姪等出三百餘金

張氏 田逢霖妻年二十九歲夫亡性慈孝曾割臂以愈
翁膈疾督教遺孤用登辛酉科鄉薦

郝氏 王立基妻年二十九歲夫亡家貧守節親老子幼
上事下育並盡心力

宋氏 王世亨妻年二十四歲夫歿甘守節操撫子成人

靈石縣志 卷之九 列女 三

王氏 監生梁集鵬妻年二十九歲夫歿親老子幼奉親
撫子備極勤劬

杜氏 附貢王日日妾年二十八歲主夫歿子在襁褓毀
容自矢保全弱息以繼宗祧

鄭氏 王鴻緒妻年二十九歲夫亡謹事翁姑鞠育孤兒
矢志不二

趙氏 楊汝賢妻年二十六歲夫歿孝事病姑慈撫弱息
鄉族有孝婦之稱

荀氏 武殿元妻年二十八歲夫歿事瘋姑養孤兒辛勤
不倦

王氏 監生趙暉樞妻年二十八歲夫故謹事衰姑慈撫
幼兒鄉族稱之無異言

李氏 裴德潛妻年二十六歲夫歿遺孤甫三齡矢志撫
教用克成立學使黃給扁曰柏節蘭芬

李氏 王青雲妻年二十七歲夫亡矢志撫孤始終不渝

宋氏 趙理法妻年二十四歲夫亡守養二子成立誓志
靡他

閻氏 楊沛霖妻年二十七歲夫故遺孤方二歲甘貧守節撫子成人

張氏 張茂成妻年二十五歲夫歿奉侍翁姑安貧撫子死撫孫矢志不二

馮氏 監生王奇操妻年二十二歲夫亡甘貧守節撫孤成人親族為贈扁曰萱壽蘭清

宋氏 廩貢生陳萬達妻年二十九歲夫亡青年守節矢志撫孤里族有賢淑之稱

翟氏 陳永佐妻年二十二歲夫故矢志守貞上事舅姑下撫孤兒族中欽其清操於嘉慶四年間以守節

永貞四字旌之

辛氏 孔希冉妻年二十五歲夫歿甘貧守志撫孤成立不幸旋夭殊堪矜憫

宋氏 王世成妻年二十六歲夫亡茹苦撫孤至于成立

吳氏 監生梁調鼎妻年二十七歲夫歿無出姑老家貧繼姪為子矢志靡他

靈石縣志

卷之九

列女

三

馬氏 張宗亮妻年二十四歲夫亡止生一女繼姪為嗣零丁孤苦矢志彌堅

薛氏 王肯堂繼妻年二十六歲夫亡安貧守志始終不渝

張氏 生員楊聯桂妻年二十四歲夫歿止遺一女上有翁姑氏乃節哀孝事左右服勤一時鄉黨莫不爭羨曰有媳當如楊孝婦云

羨曰有媳當如楊孝婦云

范氏 孫時敬妻年二十九歲夫歿姑老子幼境困時艱氏以媳代子以母兼師

鄭氏 王瑄妻年二十一歲夫亡矢志靡他子死撫孫心苦節堅

張氏 王天相繼妻年二十四歲夫亡家貧勵節孝事翁姑撫養二子皆克成立

郭氏 任世魁妻年二十六歲夫亡遺子方二歲家貧無業氏茹苦撫養以延夫嗣

祁氏 增生閻應槐妻年二十八歲夫故舅姑年邁二孤方幼甘守苦節上事下育旋二孤相繼殂逝以堂

孫承嗣

張氏 房殿臣妻年二十五歲夫亡家赤貧子方週歲氏紡績度日矢志靡他撫孤成立

房氏 監生程發都妻年二十五夫歿無嗣孝事孀姑擇姪承繼鄉黨咸稱節孝學使黃賜扁曰矢志冰清

李氏 楊保林妻年二十八歲夫歿撫養遺子子死又撫遺腹孫苦志不渝

屈氏 劉清泰妻年二十七歲夫亡無出以姪承嗣撫養成立

劉氏 燕桓妻年二十七歲夫歿甘貧守志婚嫁子女皆氏支持

曹氏 梁璞妻年二十二歲夫亡遺孤未週歲矢志守貞撫孤成立

閻氏 吳君桂妻年二十九歲夫歿奉養孀孤撫育嗣孫閻政支撐茶藥萬狀

楊氏 張付智妻年二十八歲夫歿遺孤數齡翁姑衰邁氏上事下撫各盡其道

靈石縣志

卷之九

列女

三

房氏 張靄妻年二十四歲夫亡矢志靡他孝事舅姑慈撫弱息

王氏 李如楷妻年二十八歲夫亡誓志守貞咽糠茹苦撫養遺孤以至成立

陳氏 武炳文妻年二十八歲夫亡食貧撫孤勤儉持守

郭氏 張秉彛妻年二十八歲夫歿姑老家寒子女俱幼氏誓死守貞上事下育支持家計鄉里欽服

溫氏 師俊傑妻年二十七歲夫亡遺子甫週歲家貧莫支氏躬勤紡績事翁姑撫弱息鄉黨稱為賢淑

田氏 李卓妻年二十二歲夫亡矢志守節孝事翁姑子天撫孫苦歷四世以延夫嗣

任氏 監生王師濂妻年二十二歲夫亡無出以翁姑衰老矢志守節孝事二老以終餘年

原氏 王丕顯妻年十九歲夫亡青年守志孝事翁姑慈撫子女

楊氏 曹翊妻年二十九歲夫亡甘貧守節孝事翁姑教訓次子克繼書香族中為製扁曰松筠鶴算

李氏 王世芳妻年二十四歲夫歿遺子未週歲矢志守貞教養成立

武氏 監生田惠生妻年二十八歲夫歿翁姑俱逝守節撫孤以至成立

燕氏 田世坤妻年十九歲夫亡生遺腹子甘貧守志上奉翁姑下撫弱息子亡撫孫心境彌苦志節愈堅

陳氏 王淑士妻年二十四歲夫亡遺子方數月矢志撫教終至成立

梁氏 李顯章妻年二十四歲夫歿翁姑早逝茹苦守貞撫孤成立里稱賢淑

劉氏 嚴元成妻年二十歲夫歿躬勤紡績矢志撫孤

范氏 溫常亮妻年十九歲夫亡遺孤方數月食貧守志奉事翁姑教養弱息

趙氏 李述本妻年二十五歲夫亡矢志事姑撫養孤子子殤繼姪始終不渝

吳氏 張思溫妻年二十八歲夫歿無出以姪承繼矢志靡他

靈石縣志

卷之九

列女

三九

王氏 趙鵬萬繼妻年二十四歲夫亡無出矢志事翁姑撫姪為嗣

陳氏 趙萬榮妻年二十九歲夫歿孝事翁姑慈撫子息卒至成立

梁氏 張翔翼妻年二十四歲夫故家貧守志事翁姑撫弱子備極艱辛

王氏 閻青山妻年二十一歲夫故甘貧守節服事翁姑教養子嗣皆至成立

郝氏 韓文壯妻年二十二歲夫亡翁姑年邁遺孤幼穉勤儉支持始終不懈

張氏 李國祿妻年二十八歲夫歿事翁姑撫弱息人以賢孝稱

王氏 生員閻良相妻年二十九歲夫歿甘貧守節慈以撫孤鄉鄰稱其志節

王氏 王蘊錦繼妻年二十九歲夫故撫前室子與己子無異十指拮据以孝以養

燕氏 韓泰豫繼妻年二十一歲夫亡矢志撫孤孝事病姑盡心不懈姑歿喪葬盡禮人無間言

陳氏 生員宋家璉妻年二十九歲夫歿上事孀姑下撫遺子克勤克儉老而失明苦節可憫

孟氏 梁振緒繼妻年二十五歲夫故撫養前子視同己出勤劬備歷矢志靡他

曹氏 武生王蘊芳妻年二十二歲夫歿無出孝事翁姑慈撫嗣子親族贈扁曰志堅金石

王氏 楊泗林妻年二十九歲夫亡甘貧守節撫孤成立

吳氏 張鵬翔妻年二十四歲夫亡家貧無子矢志守節以姪承嗣嗣子亦卒仍撫遺腹孫以至成立族黨

為贈扁曰松筠雅操

梁氏 薛滋英妻年十八歲夫歿姑以青年無出勸其改適氏誓以死守奉事翁姑始終不懈

耿氏 王佐清妻年二十七歲夫歿事姑撫子初終如一

張氏 李克明妻年十八歲夫亡矢志不二敬事舅姑撫育嗣子以承宗祧

靈石縣志

卷之九

列女

三

張氏 吳顯業妻年二十八歲夫亡勤紡績撫遺孤迄今五十一載

王氏 郝文元妻年二十七歲夫故事病姑鞠幼子鄉里稱賢贈扁曰節壽兼隆

雷氏 薛鵬飛妻年二十七歲夫故守節撫子已逾五十載

王氏 燕琮妻年二十六歲夫亡舅姑老病遺孤三齡氏仰事俯育貞守不二

王氏 宋賓妻年二十八歲夫歿翁姑衰邁遺孤五齡氏甘貧貞守竭盡孝慈

宋氏 王六龍妻年二十四歲夫亡家貧子幼舅姑年邁氏上事下育各盡心力

梁氏 房蟠鳳繼妻年二十五歲夫亡甘心同穴矢死靡他撫育嗣子不異所生

高氏 監生房源清繼妻年十九歲夫亡辛勤備歷甘心守節已閱四十餘載

楊氏 從九李應仁妻年二十四歲夫亡遺孤在抱撫棺矢志奉姑訓子始終不渝

梁氏

王文泰妻年十八歲夫亡無出繼姪爲嗣事繼姑撫幼子日勤針黹恬守自如

梁氏

董文貴妻年二十四歲夫亡家貧如洗苦守不移

任氏

趙國賢妻年二十四歲夫亡遺孤甫二齡矢志守貞茹苦不厭迄今五十五歲人無瑕議

聖人吐辭爲經其言教卽身教也嘗觀於詩天保采薇教忠也蓼莪陟岵教孝也洽比其隣昏姻孔云教義也母也天只不諒人只教節也又如周易忠則蹇蹇匪躬孝則言物行恒義則惠心惠德節則從一而終舉凡忠孝節義之實散見於經傳中未易更僕數要在學士之讀書論世講明而切究之使其道燦然

靈石縣志

卷之九

列女

三

大白於天下則所繫於風化豈淺鮮哉顧其爲道也有時窮鄉僻壤匹夫匹婦之微足不出里巷目不覩詩書而負質而遊任天而動竟卓然見義必爲守節不二轉有能人之所難能者則至性之激發爲獨真也夫推行之實雖在學而倫理之常本於性率乎性以作忠則忠立矣率乎性以致孝則孝顯矣率乎性以行節義則節義著矣可知人性之皆善王道之易行君子觀於鄉而益信古之立教所以不肅而成爲政所以不嚴而治也况幸際

盛朝

聖聖相承

德洋澤普光天之下至於海隅蒼生無遠弗届凡隸宇下者耳濡目染爭自濯磨故卽在一邑或釋褐而登或洗腆而事或指困以贈或彤管傳徽一時之負耒橫經砥節礪行何彬彬也都人士沐浴

教澤之高深仰撫高曾之矩矱以生以息誦詩讀書宜何如奮礪也哉

靈石縣志

卷之九

列女

三

